



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIOMEDICO-CHIRURGICA.

*QUOD LIBETARIIS DISPUTATIONIBUS,
manè discutienda in Scholis Medicorum die Martis decimo tertio
Februarii Anno M. DCC. XLII.*

M. JOANNE-BAPTISTA-LUDOVICO CHOMEL, Medico
Regis Ordinario, Doctore Medico Præside.

An prægnanti, superveniente uteri Hemorrhagiâ, partus manu promovendus?

I.



OMINIBUS institum est à naturâ, ut retinendæ vitæ, sic etiam, quæ altera quasi vita est, suscipiendæ prolis desiderium. Non inani ludere credit imagine cui dulces sunt filii, mores, & imaginem paternam referentes. Cautum est igitur à summo Creatore, ut certo ætatis tempore, ubi accretionem legitimam acquisierint partes, tonum fibræ, *energiam* fluida, sævente longo testium tractu, miro complicatâ ordine tenuissimorum vasculorum congerie, spermaticis arteriis officiosè famulantibus, humor prolificus elaboraretur, & uterius per vasa deferentia vesiculis seminalibus crederetur. Cautum est ut, roboratis ad emissionem partibus, magnâ vi contractis, in actum erumpentibus, spiricibus turgescentem semen in arva naturæ spirantia projectum hominis primordia excitaret, evocaret ad vitam, propelleret ad motum. Ergo semen humor est mole parvus, substantiæ nostræ pars melior, sarcina non inutilis, secretionum ultima & perfectissima, in quo nidulatur vita quam mox daturus est, cujus in sanguinem refluentis beneficio firmantur partes, quem non sine fanitatis, imò vitæ ipsius dispendio elargitur prodigus amans & amens, semen primâ ætate humore plurimo diffusens, idèque immaturum, in juventute acridus erumpens, addicitur generationi, inchoare conceptionem. Quomodo autem id fiat enodare arduum. Numquid enim in semine vis delitescit sui formatrix, sibi domum architectans? Absurdum rem? Numquid conceptus est actio seminum utriusque parentis mixtorum in disponendam proles generandæ

materiam? Fœminis deficere semen demonstratur. Numquid ab universo corpore, quæ modò confusæ latebant feminis decedat particulae ita motu adventitio expediuntur, ut singulae migrent ad effundendas partes iis planè consimiles à quibus effluxerunt; quæ à capite prodire conveniant ad coagmentandum caput, quæ à pectore ad pectus, quæ à renibus ad renes, &c? Hæc obsolescere ex quo organi cuiusque mechanismus, partis cuiuscunque functionis propria innoverunt. Adhuc forsitan submersa puto veritas latet. Quid enim sentiendum est de Neoteriorum systematibus? Si quibusdam fides adhibetur, aura seminalis in uterum avidè hiantem appulsa per tubam ad ovarium fertur, ova vètero sepulta excitat, fœcundat; ova fœcundata per tubam in uterum deferuntur. At quo pacto tunica tubarum valida, dura penetrabitur? Quo pacto ova per tubam non mediocriter distantem ab utero viam relegere enitentur? Secundum quosdam nec inferioris notæ, seminalis aura calcaribus admoitis sanguinea subit vasa, cruorem fœmininum invectit, succorum mutatur indoles, ovum tumescit, inflatur, libertatis impatientis carcerem (ovarium dico) relinquit, per tubam motu & calore chemicentem labitur in uterum, huic alligatur alimonix suscipiendæ gratiâ, nec inde excoeritur nisi solutâ adhesionē. At nonne longum iter simplicitatis amans natura recusat? Tot & tantis difficultatibus perterriti quidam nova, inaudita, ingeniosa forsitan slexerunt commenta, splendido cœtate ludentibus microscopiis in masculino semine visi sunt vermes mirabiliter ita pulcherrime ut gutta feminis decies centena millia & amplius animalculorum continere, quæ toti Europæ incolendæ sufficeret. Ex tot millibus vitâ plenius unum quandoque, rard duo aut tria, cæteris inutiliter à naturâ creatis, benignè ab ovario excipiuntur. Vermiculi cauda umbilicalem informant funem quæ succi appellant; vermiculi pellis liquore uberiori expansa *amnios*, cicatriculâ insignis ovi membrana *chorion* erit. Si tunc vermiculus probè omnem ovi substantiam impleat, macula proles erit; si non omnino repletur ovum, nature flux adhuc patriceps matris retinebit imaginem & sexum. Ergo fit ex vermē homo, fit metamorphosis in hominē, ut in insectis; quis referens non horrefceret? Quidquid sit, quocumque modo id fiat quod nos angit & later, ex congressu maris & fœminæ nature visis respondentis, concipitur fœtus momentò facili difficilis parentibus ærumnas procreaturus.

I I.

CONGEPTIT mulier! sinu gestat fovetque fœtum! quemadmodum enim semen terræ gremio exceptum humoris opæ calestis intumescens, calore solis intrinsece agente & movente fulscentum fibrillas emittit, radices dispergit, culmos caules allurgens producit, folia tandem, flores, fructus atque semina uberrimè effundit, sic ovum utero sinu susceptum, spiritu macula prius perfusum, calore materno forum, nervulos, arteriolas, venulas expandit, pelliculas, membranas pertundit, obvios uteri poros permeat, movetur, movet, animatus est, inutilia pellit, vitales succos avidè haurit, hos subigit, recoquit, puncto saliente se prodit. Ne verò pereat delicatula hæc generis humani radícula, sapientissimi creatoris benevolentia tuniculas tenues modò, modò validas extruxit membranas ut embryonis in dies magis ac magis alescens, incrementis fulciantur rudimenta; nec enim amplius ovum, nec embryo, jam fœtus est plenius expositus pabulum. Alimoniam ergò dat abundè (fusius quandoque) placentali. Hæc membrana innumeris fœtus & fœtæ vasis informata & irrigua, utero spongiosi pulpa mentis opæ mollior adhærescens, sustinet universam molem fœtus cum suis membranis & aquis quibus innatat. Num verò sanguinis materni parte puriori fruitur ut cedat in nutrimentum? Num sui juris gloriosus infans lacteo-chylosam à matre suscipiens materiam, hanc elaborat, sibi que propriam facit? Num oris opæ liquorem *amnios* sugit infans, vel solius umbilicalis funiculi beneficio vitâ fruitur? Utinam verum demonstrare. Quidquid sit, plus metuendum, plus arcendum est peticuli ex turgescenti matris sanguine, quàm exposcenda luxurians ubertas. Nulla etenim inter abortionis causas præsentior, nulla frequentior periculosior quàm plethora. Dubitas? Prægnantis statum attentius considera. Fœtus vel gratiâ vel præleniâ consuetæ hæcenus purgationes irriteriuntur, turbantur, vel cessant, indurantur lactescuntque mammae, micant reptantes venæ, livescit areolæ, qui modò vix pyrum magnitudinē suâ superat uterus expanditur, extenduntur vasa ejusdem; major fit humorum appulsus, comprimuntur viscera vicina, horum retardantur functiones, abdomen ad rupturam fœrè inflatur: novus hospes motu, calcitratione, pondere ligamenta tendit, aortam descendentem vasque sanguinea gravat, matris turbat animum: pallor vultus, oculorum albicantium cavitas, palpebrarum gravitas, inguinum tumor, nausea, pica, urinæ albicantes, stillantes, pulsus vehemens, corporis torpor, ad somnum proclivitas, lumborum gravitas, vomitus assiduus, pyralis creber, tenebricosa vertigo, dolor capitis, odontalgia pernix, miseras malè vicissim torquent prægnantes. Aut ex plethora uberis exundante graviora manent. Functam sortem subit sæpius heu! immaturus infans quem sinu gestat plethora mater. Prægnans abortit, & quæ vitam erat clargitura patat ultro necem non sine magno propriæ vice discrimine.

CUM omnis naturæ cura, ad spectare debeat ut foetus non prius in lucem edatur quam exactis novem gestationis mensibus, suam fuerit consecutus maturitatem, sic abortus pronuntiandus est, ubi foetus immaturus ante diem exclusionis præscriptam exitus quâcumque de causâ concitatur & commoveretur. Quidquid autem uteri spasmodum valebit irritare, quidquid illius fibras vellicabit, quidquid placentulam succutiet, quidquid musculos abdominis suscitabit, nervorum *erethismum* excitabit, quidquid humorum accendet *ergasmodum* veluti moechilium, emeticum, salitatio, ictus, lapsus, diæta vinosa, atomatica, ignes fluidi, febris violenta, &c., illud omne mox abortum promovere valebit. Uterus pars nervæ, musculosa, sensu donata exquisitissimo, cum omnibus ferme abdominis partibus nervorum interveiu coherens & consentiens, facillimè irritatur & afficitur. Abortum promovenet morbi quamplurimi, tussis feræna, dysenteria, intestinorum tormina, renum calculus, scorbutus, variorum consuetes, omnes peracuti morbi. Sit prægnanti in victu sobrietas, in motu & quiete cetera raro, cunctus, saluus, choreas devitet; equitatione vel venatione non delectetur; alvus nec nimidium sit stricta, nec laxa nimidium; partus immaturus caveas ne provocent vehementes animi affectus; non spem uteri avertant terror, ira intensa, nec medullis acridis insidens amatorius furor difficiat humonionis radiculam. Quot ergo undique circumstant pericula? Nondum satis est: periculosiorem jam innuimus abortionis causam, plethoram vocant. Hæc ex nimia præsertim rubræ partis sanguinis mole ducens originem uteri vasa distendit, placentam ingurgitat, foetum parè suffocat, succoque nutriente defraudat infontem. Si igitur plethorice prægnantes, naturæ suadente vi primis gestationis mensibus placidam mensium non habeant excretionem, si venæ sectione sat frequenter non subleventur, metuendum ne uteri vasis sanguineurgidulis placentæ nimio pressa pondere fassificat, concitetur tandem immedicabilis hæmorrhagia. Tunc sanguis non guttatim, non albidus, non serosus, sed floridus, continuoque erumpit. Comitatur hanc sanguinis excretionem dolores lumborum & coxendicis; hypogastrica dolet regio & ad umbilicum serpit pungens hic dolor, nauseabunda mulier pondus sentit novum, mammae detumescunt, livida facies, pulsus creber, durus, modò febriculofus, elanguentis & tremulis foculis agitationis uteri hæmorrhagiam comitantur, quâ datâ portâ irruente cruore arteriæ hiant magis ac magis, plorant sanguinem. Si tunc sanguis in grumos concretus conglobatim exit, cordis palpitatio, hypochimiam viribus effertis sanguinis lapsum sequuntur. Numquid ad volatilitatem, alexiteria, astringentia sit confugiendum? Falsâ spe delusus foetus & matri morâ etiam nocebis; partum porius juves illic, matris, foetusque vitam opportunâ operatione servaturus.

I V.

PRÆGNANTES plethorâ facillimè tergefcentes quocumque gestationis tempore; sive ante, sive post septimum mensem, hæmorrhagiâ corripuntur; præsertim ubi casus, collisio, nimia membrorum extensio, vehementes animi affectus præcefferint. Hæmorrhagia, sive sanguinis immodicum & continuum profluvium avulsas facit secundinas. Si præceverat, animi deliquio corripitur prægnans, spasmo & convulsionibus torqueatur, præceps subit mors. Non igitur cunctandum. Ergò ubi satis de hæmorrhagiâ constiterit, cum quod sanguis conglobatim & continuo stillat, cum quod secundinæ ori uteri adjacent, ad operationem citò devenias; nec teras tempus in præscribendis cardiacis potuionibus, astringentibusque remediis actionem vasorum spasmodicam excitantibus, non sedantibus. In expectatione periculum est ne graviora sub manibus expiriet. Foetus ergò acceleretur exclusio. Adhibitis quæ requiruntur cautionibus, collocatâ convenienter agrâ, superiore & inferiore corporis parte æqualiter in lecto recumbentibus, (quod in partu naturali aliter se habet) obsterrix digitis butyro recentî vel oleo inunctis, os uteri tangat, sensumque dilatat, ita ut digitorum omnium apices possit intrudere. Omnia tunc cum iudicio, arte & industriâ peragenda sunt, pro re præsentî, pro foetus ætate, ore uteri ampliato, membrana digitis laceranda est, in ruptam membranam, favente aquarum lubrico flumine, immittenda manus, infantis pedes suo loco querendi, seposito quovis alio membro ipsomet capite. Nec matris viribus confidas. Pedibus infantis repetitis, hos, si fieri potest, conjungas, trahas, versasque infantrum; ita ut ventre digitis pedum & facie pronis, infans vergat ad intestinum rectum, sicque omnino extrahatur. Quo facto statim & secundinæ educuntur, viam monstrante funiculo umbilicali. Uterus sedulo repurgeretur ab omnibus sanguinis grumis & membranis, si tamen sinant ægre vites; secus lochiis succedentibus res omnis committenda. Inter operandum jubente periculo sacra baptismatis undâ ablueudus est, & regenerandus. Sublato & deligato quamprimùm foetui, rescilo umbilicali funiculo, exclusio opportunè secundinis, matri providendum. In partu naturali puerpera nibus suis operationem non sine dolore sollicitantibus rem aggreditur, inchoat; perficit, sive ærcem per manum clausam cohibeat, sive diaphragmatis musculos complanet, abdomenque ad inferiora comprimat: at in violento partu arte simulante & obsteratrice indiget puerpera. Quantâ igitur prudentiâ, doctrinâ, mansuetudine, expe-

4
 rientia indigeat obsterix, quis ibi inficias? Absoluta partus operatione, puerperâ in lectum calidum delatâ, omni sublato refrigerio, in medio quasi tepore blando, alia quiete continetur agra sine ullo corporis motu. Dieta præscribitur secundum indicationes; si febris ardet, tenuis sit victus, fecus, lautior concedatur, ut evacuationibus sufficiant vires. Enemata emollientia quique die præscribantur, ne humorum diversi generis salsedine iritentur viscera. Lacte generato, & ad mammas ubertim appulso, præcedente motu horripilatorio, & febrilem rigorem mentiente, lac apparet spissius, areolam conspurcans, colore flavescens, naturale infantuli repurgamentum, mox albedine, dulcedine, consilientia donandum. Si tamen perversus lac non conservandi animus puerperam corripuerit, infanque per nutrices mercenarias sit educandus, lactis ad evacuationem & turbas attendendum. Quo quidem in casu in præscribendis saphenæ sectionibus prudens festina lentè, remque potius dubiam naturæ solerter medicanti committas, quàm remediis temerè utendo, infamiam incurras.

V.
QUIS, inquit, partum non suadebit promovere, ubi nulla spes affulget futurum ut, hæmorrhagiâ superveniente, salvâ matre, salvus esse possit fœtus? At non operationem tantum suademus quæ prægnantibus, hanc festinare necessarium, hanc tardare noxium asserimus. Inrer pericula quæ prægnantes circumstant, haud sævius ullum novimus, quàm quod ex hæmorrhagiâ venit. Tunc venæ sectioni confidentis morbi curatione committit, eluditur sanatio, & ad operationem deveniunt, ubi de forte matris & infantis penè conclamarum est. Quid tunc auxilii sperabunt ex arte mater, infanque. Languent matris vires, marcescit fœtus, & quemadmodum flos tenellus ex arbore filo tenui adhuc pendens & vegetans modò decidit levi quâcumque de causâ ruptus, sic infans quem turbavit uteri hæmorrhagiâ, aquarum, sanguinis, humorum pondere suffocatus modò peribit, ni ad lucem, ad vitam evoces. Ergò infans cara spes parientum, cuius nati, nascentis vel nascituri disturbare animam eripere est, infans quem immaturâ exclusionē promovere nusquam licitum fuit, nequidem utile, perit. Ergò dum sinunt utriusque vires, jubet utriusque præsens status ad operationem accingi, neutrum juves, si aletati subveniri non potest, quin lædatur alter: fallor. Nusquam terrarum evenit, ut expediat matrem vel infantem enecare. Vel enim vitâ orbatur infans, vel non. Mortuo fœtu sæpe res omnis naturæ committenda: proprio matre hospitem, nec suâ factum hostem propeller foras. Vitâ si fruiat infans, forasque exire non possit, tum propter imperviam ossium innominatorum deductionem, tum propter varia impedimenta, ne dicas tunc caesareum partum in certâ desperatione dubiam spem esse. Quoties salvâ matre, salvo fœtu tentatus est? Quæcumque ergò in statum venerint mater infanque, habent quod sperent ex arte. Sed quid in præsentī casu, nempe in hæmorrhagiâ uteri ab operatione reformidabunt? Ex arteriis funditur in hæmorrhagiâ sanguis, arteriarum ora nescient coalescere, quandiu præsentē fœtu uterus extenditur; nec constingit, nec pristinum recuperare tonum poterunt, nec cessabit hæmorrhagiâ: frustra ad venæ sectionem, tanquam ad sacram confugies anchoram, fluidorum imminutâ mole vegetior arteriarum erit elatus, accrescet hæmorrhagiâ: inutilis etiam astringentibus confides, nescis fibrarum tonus comprimi, suscitatur. Quocumque ergò te veritas, cūq̃ deveniendum est ad operationem.

Ergò prægnanti, superveniente uteri hæmorrhagiâ, partus manu promoveandus.

DOMINI DOCTORES DISPUTATURI.

M. Antouius-Joannes Daval.

M. Robertus-Hubertus Linguet.

M. Achilles-Francisus Fontaine.

M. Joannes-Baptista Ludovicus Chomet, Medicus Regis ordinarius, Aclis Præses.

M. Gabriel-Antonius Jaquier.

M. Claudius de la Vigne de Frecheville, Medicus Regis & domus Regine ordinarius.

M. Petrus Rouffin de Mombourg, Consiliarius Medicus regis ordinarius, necnon urbis Regiæ, Regiæque Nosocomii San-Germani in Leyâ.

M. Hyacinthus-Theodorus Baron.

M. Joannes-Damianus Chevaller, Medicus Regis ordinarius in insulâ Sancti Daminici.

Proponēbat Parisiis PETRUS BERCHER, Parisinus, Baccalaureus Medicus, A. R. S. H. 1742, à sextâ ad meridiem.

Typis QUILLAV, Universitatis & Facultatis Medicinæ Typographi, 1742.